

**MAKAILA SA KAMATUORAN, BUG-OS GYONG ALANG SA
KAMATUORAN, UG MAGMANTALA SA KAMATUORAN
SA DAOTANG PANAHOON KARON**

Mensahe 5

**Magkupot sa Kamatuoran ug Manghimatuod sa Kamatuoran
nga ang Iglesia mao ang Haligi ug Sukaranan sa Kamatuoran
ug ang Hiniusang Pagpadayag sa Dios diha sa Unod**

Basahong Kasulatan: 1 Tim. 3:15-16; 2:4; 2 Tim. 2:15; Juan 18:37

I. Ang iglesia mao ang haliging nagsangga ug sukaranang nagkupot sa kamatuoran—1 Tim. 3:15:

- A. Gusto ang Ginoo nga makaila Niya nga kamatuoran ang Iyang iglesia aron manghimatuod kalabot Niya nga kamatuoran—Juan 14:6; 18:37; 1 Juan 1:6; 5:20.
- B. Ang *kamatuoran* sa 1 Timoteo 3:15 nagpasabot sa tinuod nga mga butang nga gipadayag sa Pulong sa Dios, nga labi gyong si Cristo nga pagkalawas sa Dios ug ang iglesia nga Lawas ni Cristo—2:4; Col. 2:9, 19.
- C. Ang kamatuoran mao ang Tulo-usang Dios, nga si Cristo ang pagkalawas, sentro, ug pagpadayag nga magpalugwa sa iglesia nga Lawas ni Cristo, balay sa Dios, ug gingharian sa Dios—v. 9; Efe. 1:22-23; 4:16; 1 Tim. 3:15; Juan 3:3, 5.
- D. Daladala sa iglesia ang realidad nga si Cristo; nanghimatuod ang iglesia sa ti-buok uniberso nga si Cristo ra gyoy realidad—1:14, 17; 14:6.
- E. Ingon nga haliging nagdala sa kamatuoran ug ang sukaranang nagkupot sa haligi, nanghimatuod ang iglesia sa realidad, sa kamatuoran, ni Cristo nga misteryo sa Dios ug sa iglesia nga misteryo ni Cristo—Col. 2:2; Efe. 3:4.
- F. Ang matang sa iglesia nga matukod nato nag-agad sa matang sa kamatuoran nga gitudlo nato; tungod niana, gikinahanglan gyod pag-ayo ang buhing kamatuoran nga mopalugwa sa iglesia, motabang nga maanaa ang iglesia, ug motukod sa iglesia—1 Tim. 3:15.
- G. Ang kinadak-ang panginahanglan nga tagboon gyod nato mao ang pagdala sa mga balaan ngadto sa kamatuoran; bansayon gyod ang tanang balaan diha sa diosnong pinadayag—2:4.

II. Kuptan gyod sa tanang balaan ang kamatuoran—3:9, 15; 2 Tim. 2:15:

- A. Ang haliging nagsangga ug sukaranang nagkupot sa kamatuoran mao ang ti-buok iglesia, nga naglakip sa tanang balaan; bahin sa haligi ug sa sukaranang nagkupot sa kamatuoran ang matag bahin sa iglesia—1 Tim. 3:15.
- B. Ang iglesia nga haligi ug sukaranan sa kamatuoran nagpasabot nga kinahanglan masayod sa kamatuoran ang matag bahin sa iglesia; busa mohukom gyod ta nga mokat-on sa kamatuoran—2:4:
 - 1. Kuptan gyod sa iglesia, lakip na sa tanang magtutuo, ang kamatuoran—3:9.
 - 2. Aron magmalig-on ang iglesia, kuptan gyod sa matag igsoong lalaki ug igsoong babaye ang kamatuoran sa pagkat-on nila sa kamatuoran, pagsinati sa kamatuoran, ug pagpamulong sa kamatuoran—2:4.
 - 3. Kon batasanon nato ang kamatuoran sa adlaw-adlawng iglesiahanong kina-buhi, makapangako ta sa pagkupot sa kamatuoran—2 Juan 4; 3 Juan 3-4, 8.

III. Kuptan gyod nato ang kamatuoran ug manghimatuod sa kamatuoran nga ang iglesia mao ang hiniusang pagpadayag sa Dios diha sa unod—1 Tim. 3:15-16:

- A. Ang pagpadayag sa Dios naa una ni Cristo isip tinagsang pagpadayag diha sa unod—v. 16; Col. 2:9; Juan 1:1, 14:
1. Wala moingon ang Bag-ong Tugon nga nagpakatawo ang Anak sa Dios; nagpadayag kini nga napadayag ang Dios diha sa unod—1 Tim. 3:15-16:
 - a. Napadayag ang Dios diha sa unod dili ingon nga Anak ra kondili ang tibuok Dios—ang Amahan, Anak, ug Espiritu.
 - b. Ang tibuok Dios ug dili ang Dios Anak ray nagpakatawo; busa, sa pagpakatawo ni Cristo Siya ang tibuok Dios nga napadayag diha sa unod:
 - (1) Sa pagpangalagad ni Cristo sa hugna sa pagpakatawo, gidala Niya ang Dios nga walay kinutoban nganha sa tawong may kinutoban; diha ni Cristo nausa ang Dios nga walay kinutoban ug ang tawong may kinutoban—Juan 8:58; 7:6; 12:24.
 - (2) Pinaagi sa pagpakatawo gidala nganha sa tawo ang diosnong panagtagik—ang Dios diha sa Diosnong Trinidad Niya nga nagpuy-anay ug nagbuhat pag-usa; busa si Cristo ang panagtagik sa Tulo-usang Dios ug sa tawong may tulo ka bahin—14:10-11.
 2. Nagpuyo diha ni Cristo ang tanang kahupnganan sa Dios sa lawas gyod—Col. 2:9:
 - a. Nagpasabot *ang tanang kahupnganan sa Dios* sa tibuok Dios, sa kompleto ng Dios.
 - b. Kay naglangkob man sa Amahan, sa Anak, ug sa Espiritu ang Dios, ang kahupnganan sa Dios mao gyod ang kahupnganan sa Amahan, sa Anak, ug sa Espiritu.
 - c. Ang pagpuyo sa tanang kahupnganan sa Dios diha ni Cristo sa lawas gyod nagpasabot nga gipakalawas ang Tulo-usang Dios diha Niya—Juan 14:10.
 - d. Isip pagkalawas sa kahupnganan sa Dios, dili lang Anak sa Dios si Cristo kondili ang tibuok Dios sab.
- B. Nagpakita ang 1 Timoteo 3:15-16 nga dili si Cristo ra nga Ulo ang pagpadayag sa Dios diha sa unod kondili ang iglesia nga Lawas ni Cristo ug balay sa Dios pagpadayag sab sa Dios diha sa unod—ang misteryo sa pagkadiosnon:
1. Nagpasabot ang *pagkadiosnon* sa versiculo 16 dili lang sa pagkamasimbahon kondili sa pagkinabuhi sab sa Dios diha sa iglesia, sa ato pa, sa Dios nga kinabuhi nga gikinabuhi diha sa iglesia aron mapadayag:
 - a. Si Cristo ug ang iglesia mao ang misteryo sa pagkadiosnon, nga nagpadayag sa Dios diha sa unod.
 - b. Ang iglesiahonong kinabuhi mao ang pagpadayag sa Dios; busa, ang misteryo sa pagkadiosnon mao ang pagkinabuhi sa hustong iglesia—1 Cor. 1:6; 14:24-25.
 2. Napadayag ang Dios diha sa iglesia—ang balay sa Dios ug Lawas ni Cristo—nga gipadakong hiniusang pagpadayag diha sa unod—Efe. 2:19; 1:22-23:
 - a. Nagsugod ang pagpadayag sa Dios diha sa unod kang Cristo sa nia pa Siya sa yuta (Juan 14:9).
 - b. Gipadayon ang pagpadayag sa Dios diha sa unod diha sa iglesia, nga mao ang pagtubo, pagdako, ug pagsanay sa pagpadayag sa Dios diha sa unod—1 Tim. 3:15-16.
 - c. Kanang iglesiaha mahimong pagpadayon sa pagpadayag ni Cristo sa Dios diha sa unod—si Cristo nga gikinabuhi sa iglesia isip pagpadayag sa Dios.
 3. Ang dakong misteryo sa pagkadiosnon mao nga nahimong tawo ang Dios aron mahimong Dios ang tawo sa kinabuhi ug kinaiya apan dili sa ranggo sa pagka-Dios aron mapalugwa ang hiniusang Dios-tawo nga magpadayag sa Dios diha sa unod—Rom. 8:3; 1:3-4; Efe. 4:24.